

## La plui biele dal paîs

Paveute matutine  
la plui biele dal paîs,  
cuanch'e passe la matine,  
mandi mandi jè 'e dîs.

Buine biele cognossûde  
come un bocul di sclopon,  
linde simpri la sò mude,  
che bocjute un bombon.

Sol cjalant che fantacine,  
'zire 'l sanc e bat il cûr,  
la sò sassare biondine  
il 'zurvièl e fâs la fûr.

E tal ienfri dulinvie  
alc s'ingrope tai pinsîrs,

## *Poesie e Racconti Friulani*

tant 'e côr che fantasie  
ben cjalant chej voi sincîrs.

Ancje i 'zovins birichins  
j rondolin simpri atôr,  
cun chel fà di stupidîns  
lôr voressin fà l'amôr.

Jè furbine no s'ingase,  
benedete .. planc ur dîs,  
stait cujez e lait a cjase  
ch'o larês in Paradîs.